

寺觀志

宋司馬溫公解禪頌序曰文中子以佛為西方之聖人信如文中子之言則佛之心可知矣今之言禪者好為隱語以相迷大言以相信使學者俛俛然益入於迷妄故予廣文中子之言而解禪頌六首若其果然則雖中國行矣何必西方若其不然則非予之所知謹序如左李公丞相嘗謂聖人設教其道必歸於一故作是頌以釋未悟也頌曰忿氣如烈火利欲如鋸鋒終朝長戚戚是名阿鼻獄其一顏回安陋巷孟軻養浩然富貴如浮

夔州府志

卷三十五

寺觀

一

雲是名極樂園其二孝弟通神明忠信行蠻貊積善來百祥是名作因果其三仁人之安宅義人之正路行之誠且久是名光明藏其四言為百世師行為天下法久久不可淹是名不壞身其五道義修一身功德被萬物為賢為大聖是名菩薩佛其六此溫公之頌也登寺觀而談仙佛者宜知此意作寺觀志 仙釋附後

夔州府

奉節縣

附郭

開元寺在縣西唐開元二十六年建明洪武初設僧綱

司永樂間都綱廣海重修有御賜四川第一山金字坊
國朝康熙六年知府熊夢鶴增修嘉慶二十四年奉節里民
周昌達昌清捐錢五百千補修前殿

明解縉開元寺修法堂記金仙之教始自西土開權實
頓漸之門宏半滿偏圓之旨指真實際啟度羣迷則佛
之爲佛雖不由法生而治非法不宏也自雙林守寂流
於震旦蔓延繼續燈燈有輝亦惟以存法焉故出家之
士思欲紹隆祖道振揚宗風超詣上乘非法莫可是以
百丈大智禪師創建叢林首必建法堂以爲會淨徒暢

夔州府志

卷三十五

寺觀

二

真詮之所誠以大衆旅集必依法爲治又以表僧之爲
教必能繼佛傳法然後可與儒道並立而爲三也夔州
城西有梵刹曰開元寺乃子休禪師名無聞者肇創於
唐後燬於兵皇明啟運大闡元教於是上人有廣海者
職綱緇流據席茲寺憫厥頽圯力爲己責及都者彥其
圖興復躬持囊鉢徧厯檀信以啟湊緣於是輸貨靡不
樂襄計得施若干緡遂罄其人修大雄殿後建蓋法堂
若干楹莊嚴高廣人天具瞻於是師席有位聚徒有所
進趨戒躡不失觀望堂成之年上人以應召來京師徵

余記之余謂自大法下衰出家之徒惟假形眠以竊僧號啞羊烏鼠比比皆然疇克知佛以法傳而僧由法以立乎今開元爲寺卓據形勝燈燈相續式恢前修而法堂之建實祖百丈師創立叢林之意然惟據席揮塵者能以闡法爲心入室受教者能以傳法爲事而後可以建法幢鳴法鼓以法器相授受則佛日益光宗風愈振豈如堂自堂而法自法云乎哉遂書以歸之俾刻以爲記

記

張三丰曾在此事載仙佛志

咸平寺在城東北五里宋咸平中建因名

夔州府志

卷三五

寺觀

三

宋陸游跋關著作卧龍行記著作關公出峽中風采峻甚仕者人人震慄莫敢仰視某以孤生起罪籍萬里佐州淺闇滯拙自期且汰去而關公獨厚遇之舉酒賦詩談臺閣舊事忘其言之重也公免歸之明年某以事至卧龍山咸平寺長老惠璉言公往有行記今將刻之石因屬某書其末某曰方闕公之門可炙手時此書代不出今公歸卧青城山下賓客解散形勢一變而璉方刻其書爲不朽計嗟乎足以愧士大夫矣乾道七年七月朔左奉議郎通判夔州軍州主管學事陸游謹跋

又詩曉發魚復走瞿唐沙頭喚渡依胡牀
人爭趁五更市我亦來追六月涼
殘星欲盡尙厯落明河已淡餘
蒼茫翻翻林表鴉鵲語渺渺烟邊鷗鷺行
過江走馬十五里小寺殘僧真叢爾
投鞭入門爲一笑僻陋稱雄有如此君
不見天童徑山金碧浮虛空千衲梵吹
層雲中明柳英詩復到曾游寺山青面
面同僧多飛錫去鶴已逐雲空古柳聊
遮屋危廊不蔽風感茲長太息惆悵夕
陽紅

海會寺在縣西一里明萬厯二十四年重修

夔州府志

卷三十五

寺觀

四

顯道觀在城西明洪武初設道紀司又名白馬寺

國朝嘉慶二十二年僧通乘募化重修頗壯麗

華嚴庵在縣北二里明萬厯三十一年修建

化龍宮在咸平寺左卧龍山上前人題咏甚多

香山寺在縣東南三十里麝香山上寺產香茶因名

宋黃庭堅行記太守高仲本率南昌黃魯直墊江譚處
道同來山水喬木僧房高下景物清絕爲夔路第一建
中靖國元年二月庚申微雨中來庭堅書

白帝寺在明良殿後

龍池寺在縣南一百三十里

龍橋寺在縣東南十里

降龍寺在縣西北二十里三臺山上

高真觀在蓮花峰上三賢祠後

鳳仙觀在縣北三十里

聖水寺有二一在東北八里一在西南九十里

龍興寺在縣西北十里

宋王十朋龍興坊詩世仰欽宗聖人知太母賢千秋龍
已化香火蜀江邊自註欽宗皇帝母王皇后所生之地

夔州府志

卷三五

寺觀

五

寺額曰龍興

觀音寺在縣南一百五十里

龍潭寺在縣北一百里有池

真慶觀在城內

白雲寺在縣北巖刻有李白詩

始興寺在縣西北唐建今廢

唐劉禹錫移鐵像記佛薪盡於乾竺而佛教東行是法
平等故所至爲淨土是身應供故隨念如降生先是魚
復人有以利金爲彌勒者重千鈞睟容端相人天兩足

鳧氏卒事而他工未備故寓於西偏不知其幾年矣寺僧法照瞻禮發信赤肩白足入諸大城乃至聚落無空過者積十餘年得信財無量繇是構工以嘗巧募徒而畢力四輩增工麾之以肱中極外脈陰轉陽動歛如地踴岌如山行大匠無言尊容嚮明青蓮承趺金獸捧持藻井花鬘蔥蘢四垂邑人膜拜如佛出世法照以願力能就泣於前因持片石乞詞以示後按此寺始於宇文周初瀕江埤陋皇唐神龍中爲水所壞有波那賴耶國僧廣照浮海而至頓錫不去遂移於今道場所山曰磨

刀嶺曰虎岡其經始興修皆蕃僧是力後之有志者豈無人哉法照夔人姓穆氏年十五出家依江陵名僧受具肇自貞元二年甲申歸此寺願崇建有爲凡修大殿立菩薩大弟子侍佛左右逮長慶癸卯有成其善植德本者歟

光孝寺在縣東寺有佛牙樓晉時名鐵佛唐名金輪宋改光孝報恩禪寺今廢

宋司馬永卿報恩寺佛牙樓行記世之議者以謂天地融結之氣各有所在故水聚於東南而山聚於西北吾

江湖人也老游宦於蜀蓋嘗親之矣自蠶叢魚鳧未有書契之前不知其幾千萬歲而全蜀之水晝夜滔滔汨汨東注未嘗暫止未嘗告竭然則水之多寡東西南北果安在也吾意水在天地間猶血氣之在人身上下往來無有窮極但造化之密移人不見耳故曰陰陽不測之謂神是豈世之文字人之耳目所能究哉夔當全蜀衆水所匯鎮以灑瀕扼以瞿唐山川發秀真天下壯觀也必得古佛真身舍利以鎮服之普爲衆生作大饒益此佛牙樓所以作也或曰舍利在在處處往往有之何

夔州府志

卷三十五

寺觀

七

也答曰教言十方三世一切諸佛其數如號伽河沙遍十方剎然獨於此土衆生經無量劫有大因緣攝取不舍誓願深重慈悲濃厚方佛將滅度時於人天會前遺敕真身舍利留於人間蓋佛之意以謂人不能至天上以修崇而天可至人間以供養此佛之善幻也而我闕邦大國獨爲之冠焉然此舍利非得福地則不可安奉非遇信士卽不能建立今夔子之國可謂福地矣而又遇信士爲內外護此其所以能成就如是功德莊嚴歟報恩光孝禪寺者夔之古刹也晉號鐵佛唐名金輪比

年以來嘗經廢革布金之地荒蕪不治而常住舊有佛
牙一枚方寺廢時爲老比丘極力收藏如護眼睛得不
遺失及寺之復也降禪師初至將有爲而未能也今璘
禪繼之每念佛牙久此湮沒欲以一樓崇奉之遍謁檀
越未有如給孤獨者豈象教之興真有所待歟紹興十
五年冬漕使符公行中出建外臺一日公至寺循禮瞻
視間若有神物警發其意者又聞璘公建樓之言詳其
本末公欣然促之卽捐俸錢十萬以爲之倡衆皆響應
各獻所有爭取勝緣以故未幾一寺鼎新巨樓塔中雄

視傑立堂庫廊廡環而翼之觀者皆曰未曾有也一日
方丈老人與二客登樓一客曰是蓋如來無量阿僧祇
劫之所修證也故有三十二大人相爲第八相其數六
六潔白平正色如珂貝歷大火聚自然堅剛非金非玉
非輕非重是真人天福田而世之談佛者好爲大言至
盡畧去福之因地名相吾見必極力諍之一客曰是何
言之陋也空而已矣吾觀世間有爲功德皆是幻化虛
僞不實故學佛者當先庸行剷絕屏當之然後晏坐觀
我此身猶如死尸猶如蟲聚猶如行廁汙穢不淨見事

是已卽急舍離心中出火自焚其身然後可見無上菩薩今學者不知出此以思爲心生狹劣相吾見必唾罵辱之方丈老人曰二客之言皆非也如前客之言則佛法不離於文字如後客之言卽佛法將歸於隕滅且一身不成於二佛必具三身今客所見爲佛法身乎佛化身乎佛報身乎又客今在此爲過去乎爲未來乎爲現在乎客若知三時卽是三身則諸佛現前矣客又不聞淨名居士之言乎如我觀佛前際不來後際不斷今復不住若能如是始可以觀佛牙矣二客曰唯唯爾時老

夔州府志

卷三五

寺觀

九

師復說偈言

壯哉縹緲之飛樓巋然下鎮三峽流中有舍利萬億秋
玉奩金鑰那能收靈光濬發騰空浮阿伽賦毛靡不周
魔王積惡招愆尤正如躔次度羅睺宮殿煤黑羣魔愁
諸天眷屬時嬉遊會遇佛光喜不休相與聚積到無憂
共議是事同推求四禪梵王列幢旒阿叔伽寶結網儔
勝鬘纓絡交相繆作天妖樂風颺颺緊那樓那最稱優
簫鼓歌唄雜笙篴含芝天人妙音喉十二百種聲清修
阿索洛王神之箇降伏強梗解怨仇俯伏互跪貌和柔

魚鰓鳥喙狀獼猴殊形詭制森戈矛亦來侍衛列羣騶
供養既已衆不留但餘兩花香且稠吾聞佛事因人修
隱顯相遠殊不侔維摩居士佛匹儔應緣示現爲公侯
一見金輪大比丘受佛記蒞如合謀江山針芥偶相投
成此勝事何優游惟佛恩大不可酬何期來此古信州
願垂鴻福常庇麻如象如馬峽江頭無礙行客往來舟
俗士狹劣言可羞正欲福此西來陬粟散諸國紛蚍蜉
不知更有回大洲

唐文若行記紹興歲丙子七月峽中久不雨秋暑熾甚

夔州府志

卷三十五

寺觀

十

己巳晦連夕霧霈水復大漲予繫舟灤中策杖同二子
輅軫來遊道人定觀迎關欣然乃漢中舊識憇食方丈
登佛牙閣愛其江山鮮明草木秀潤頓失三峽之陋寺
本晉鐵佛院距今八百禩屢易不廢良有以也聞方丈
法堂輪藏皆創建始事者曉公禪師曰道隆曰永璘嗣
成之三傳餘三十載金碧鼎新觀管相其事至是欲予
爲記惜方行役未暇也曉降實傳法師資而璘觀及曉
皆漢中人鐵佛像以中更神霄徙他所觀主寺事既修
三門方營建東西腴閣議復迎置故處云

真諦寺今廢

唐杜甫詩蘭若山高處烟霞嶂幾重瀑泉依細石晴雪落長松問法看詩妄觀身向酒慵未能割妻子卜宅近前峯

祥雲寺在縣東東屯今廢

宋劉昉行記紹興戊辰正月中泮勸耕至東屯因落少陵故居祠堂之成聞祥雲寺之後有瑞石歸路就往觀之策杖行山澗亂石間踰里許石果異也事無大小必先難而後獲是日至東屯還過瞿唐已將莫任賓寮之

夔州府志

卷五

寺觀

七

去留其同至者趙沂詠道文定國公才鄧高叔誼王鼎子新李驥元駿家茂秀實張聿述之朱齊卿醇甫李宗臣元慶楊譽時美真勝賞也劉昉方明書

曇華寺距城東北百二十里

夔州府教授朱有紱記寺在靈鳳山距城東北百二十里初入山沙石峭滑躋陟維艱迨望見檐甍隱隱則松栢交陰透迤一徑拾級而登殿宇宏敞佛像莊嚴相傳叛自唐代明末燬於兵火無碑石可徵僅存正德年鐵

鐘一口

國朝乾隆中有衡縣僧性庵苦心重建其徒大乘相繼竭力
張大之以是鼓鐘經卷丈室禪牀以及常住田產咸備
曾屢授具足戒今僧葦渡名真江大乘之弟子也出示
其師遺立規模皆井井有法葦渡踐履真實能守舊志
故爲奉節叢林之冠時同游者烏程范鏞白舫有詩
沿溪轉陰崖疊嶂肅侵曉隋石阻幽險細路隨旋繞日
午稀炊烟攀躋人跡少忽聞鐘磬音雲外首常矯松栢
蔭紆徑蒼翠入深窈心神覺冲融爽然出塵表漸登蘭
若峰巍煥奉三寶佛土淨莊嚴旃檀避煩惱敷坐丈室

夔州府志

卷三五

寺觀

十三

問茗話獻飴棗晚唄聽悠揚經案許探討惜無金石文
不足徵始造三世續傳燈護念功豈少入社不攢眉一
笑陶令老竹窓新月明窺我酌清醪

天仙觀距城東北百四十里

夔州府教授朱有紱記觀在長龍山絕頂距城東北百
四十里遠望上銳下圓形如斗笠左右及後皆空兩溪
夾饒其間亭亭獨立削巖峻陂螺旋以上約十里許至
絕頂則前面岡梁直亘一二十里崖石多作龍鱗狀山
端一峯鐵峙峯後爲天仙觀老氏居之供奉真武祖師

相傳極靈異歲有雷風掃殿云九月一日九日香火甚盛遐邇屆期先至止宿焉土人稱爲川武當不知創自何代嘉慶初爲教匪所燬迨後重爲募建故規制未宏後殿塑仙女像俗謂天仙公主爲昔時落草成神者又謂秦始皇鞭山入海是山遁跡止此皆屬無稽之談殊可笑也友人白舫題詩云

白雲掃盡秋氣清四山疊繞如列城中有一峯獨孤立形如覆笠高不傾兩溪夾繞互縈帶蒼蒼遙挹擬蓬瀛蟻路盤盤苦攀陟舉足螺旋難力爭輿殆人疲躋絕頂

夔州府志

卷三五

寺觀

十三

長岡石作龍鱗生峰後咫尺得仙觀數輩羽士虛左迎時值重九前一日香火叢集堂殿盈丹房狹隘坐何有天使客減登高情夕嵐鬱蒸日將墜聊借田舍隱吟聲巉崑陡下數百步茅屋始息筋骸撐月梳飛上萬籟寂要知隨遇安所行汲泉洗琰酌同賞留取微輝杯底明隆興寺距城東北百二十里

夔州府教授朱有綬記寺在鳳凰山距城東北百二十里與曇華寺兩山相對中隔一溪基趾廣拓庭廡剝落前殿寬而淺供

闕聖像大殿頗崇煥奉釋迦牟尼佛傍列羅漢亦尙威嚴餘
寮房廊室未均修整亦不識始創何時懸鐵鍾一口款
識成化二十一年四月十六日造山門外有大池一泓
逼近前殿余笑謂住持僧妙峰曰池水映殿宇而動須
牢牢把握也寺後上山里許有石塔一座碑碣一具新
出土爲明正德八年雲谷塔銘釋淨興撰文晦拙細繹
其言雲谷名明照字大千重慶人俗姓王氏祖真左侍
郤父思憲早亡九歲辭親禮舟月爲師母喪後天順癸
未遊夔復禮咸平寺副綱師王峰更名明照成化己亥

寺觀

古

士民請主修隆興寺殿廊俱備開墾水田八十餘畝永
充常住嗣王峯圓寂承襲副綱職兼任咸平寺爲王峰
建塔於山右復增修咸平規制更闕贖取原田作咸平
常住逝世後塔墓於此則斯寺堂宇田產以贍僧衆者
皆雲谷之功德也不可以不記之妙峰云山半有咸平
寺故址荒蕪已盡久作桑田時有耕者耨土得佛像肢
體悉取貯一窟室中祀之妙峰習書解詩流覽經典能
自拔俗可爲寺續傳燈惜山中人心不古恒有侵侮於
寺恐未克支持耳時白舫同遊感而題詩云

下山復上山層崖路幾轉鬱紆懸陂陀夷險隱騰吠深
林蘭若開仙佛闡妙演池柳映碧波庭鳥啄蒼蘚藉問
此道場古佛孰精選惟留雲谷銘功德亦非淺洛陽記
伽藍金石文徵典邦人昧珍惜棄若摧草剪咸平一剎
那桑田莫微辨訪古重裘裒疏寮裊香篆

福寧洞在邑東北九十里靈鳳山曇華寺側出寺循徑
下行數百步得石洞深一二丈廣倍之高丈餘崑骨峻
嶒參差錯出旁有一罅漏泉涓滴承以瓦甕幽響盎然
中供大士像龕座皆就洞石鐫琢之昔寺僧大乘迎其

夔州府志

卷三十五

寺觀

十五

母居此爲脩養之所山有三洞此爲上中洞土人穴處
下爲觀音洞較大近山溪比邱尼居之

浙湖范鍇詩何年鬼神工靈鑿此幽洞豈是丹穴空飛
出躡虛鳳巖石自然梁崖壁無藉棟永息法雲輪時停
慧日鞞大乘我宗賢不僅守禪誦迎母終養脩庶免傳
奕諷福寧著深恩春暉有餘痛孰是空桑身願告苾芻
衆竇罅滴清泉幽響出陶甕安得一枕攜常作塵外夢
救劫得生兩洞在邑西三十里朱家驢觀音堂巖下中
洞二十餘丈每洞可容數百人遠視之如理其名相沿

已久不知肇自何代嘉慶二三年間教匪肆掠附近居民避洞中存活者千餘人始知救劫得生命名非虛謬也

至皇閣在城內東南隅

清淨庵在小南門外

水府宮在縣西二里

白衣庵在縣西三里

太元觀在縣北三里蓮花池下今名二郎廟

觀音寺在縣東五里

夔州府志

卷三五

寺觀一

十六

卧龍寺在城北卧龍山上

鐵瓦寺在香山後

至皇閣在縣西門外名五里鋪

淨瓶寺在縣北十里

東嶽廟在城外西坪之水府宮左側距城二里許祈禱靈應

祖師洞在治南四十五里四面崇岡峻嶺勢如刀削高六十餘丈洞中出泉清鑑鬚眉旁有小徑甚崎嶇以鐵綆攀援而上俯瞰羣山烟凝九點土人咸以仙境目之

洞前有觀不知創自何年殘碑剝蝕僅有萬曆九年重建數字可辨乾隆四十年道會司夏清微募修前殿嘉慶四年道紀司蕭一慧又募修之俱有碑

三台觀在縣北二十五里廟上下三層尚屬整齊有銅像祖師一尊左腕上注正德年鑄等字內有正德皇帝御碑一座漫沒不可識僅萬曆間巫山舉人樂珮碑文尚存

重修三台觀碑記夔城當入蜀首郡西北三十里許山名三台上有觀爲真武神宇里人遠邇事之甚謹余束

夔州府志

卷三十五

寺觀

七

髮以來未及登覽萬曆壬午解綬自滇歸季春三日適神壽誕甫得一遊見峰巒倚漢茂植結垣車馬往來香雲繚繞中有一二羽客危坐胎息何其逸也廼知陟於此者可以望遠可以怡情可以脫塵而習靜詎不得名之爲夔門勝境乎歲月旣久當爲重修計黃冠魏氏常靜住持於此卽以身任衆姓踴躍喜捨越期殿成續爲廊東西十間朝真殿三間廣應祠一間山門三間基址磐固大勢森嚴見者壯之夫茲教也語顯跡無踰武當語人心趨附亦無踰武當此觀之建遠不可稽大都聞

武當而景從也創立於先民改觀於今日里人之見或緣祈福或以報功縱不得謂之無所爲而爲之矣將不可謂之勉於向善而足稱治世之良民也歟哉然後之視今猶今之視昔數百年後有聞風興起者當必爲記以俟之也故因魏氏之治觀次第其畧鐫之貞珉不獨彰里人之善念亦以致望於里人之後賢云爾明萬曆歲在元默攝提格白藏穀旦郡人知縣樂珮撰

白雲寺在邑北岍九十里桃李蹊山上創自前明久圯

國朝乾隆十三年居民談應博劉承秀龔誌等募化重建

夔州府志

卷三十五

寺觀

六

龍鳳寺在治南九十里甲高壩不知創自何年傾圮亦久道光元年庠生冉崇儉捐資重修寺右掘出鐵鐘洗淨泥土款識可辨上記明萬曆九年冉儉捐造扣之其聲清越以長上下二百數十年而鑄鐘修廟之人名姓相符亦一奇事也

文昌宮在甲高壩里民公建先甲義學在焉

觀音堂在治西三十里創自明萬曆二十年

國朝乾隆三十三年重添後殿五十四年添修文昌祠

東嶽廟在治北六十里創自明萬曆四十五年

國朝乾隆四十八年道會司易復寧募化重修

龍潭寺在縣南陽火坪距城二百四十里有上下二寺
創自前朝燬於兵火乾隆年間麻鼓僧募建二寺上寺
置有大鼓一面大木魚一面周圍五丈有餘以兩間屋
覆之下寺有大鐘一口高八尺係黑夜飛來人力不能
懸至今尚存寺中有池深不能測其底池中有魚或隱
或現人不能取寺前有大石板一方上有仙人足跡相
傳麻鼓僧得道之所

鳳雲觀在縣西南奉雲交界之處距城一百二十里

夔州府志

卷三五

寺觀

十九

分水寺本名巫水寺在縣南新村壩長嶺岡距城九十
里明洪武年建後有泉水洞初灌新村壩之田甲高壩
人爭之構訟多年忽雷擊洞石崩爲二口一股流入新
村壩一股流入甲高壩人遂呼爲分水洞并以名其寺
天雲觀在縣東新村壩任家壩距城九十五里山極高
山門外有四十三級石梯山後半腰有三塊石甚整齊
山下卽白廟了

觀音寺在新村上壩中海角山明正德年建寺右爲文

昌宮日新義學在焉

龍頂觀在新村下壩下有龍潭河泉水從下向上出流頗大灌下壩田數十畝水出山洋魚細鱗身長色白味極美乃江中所無也

梓潼宮在白帝城東磴道曲下殿宇臨江正對灩澦明萬曆二十九年創建

國朝乾隆四十九年重修

觀音祠在白帝城梓潼宮之旁外修觀音閣一間創自明正德十四年

國朝乾隆四十九年重葺

夔州府志

卷三十五

寺觀

三

關帝廟在關廟沱前明湖廣都司任忠瞿唐衛指揮杜和捐建

國朝康熙二十八年知夔州府吳大鎔重修

報恩寺在縣東北二里凉水井井在寺前常有清泉沁出味極清涼寺前係通大寧大道內有古洞塑祖師像龍王廟在城外東北十五里之龍潭向無祠宇知府恩成自道光三年莅任後偶遇雨澤愆期虔誠率屬蒞禱無不叠應沛降甘霖連年郡屬田穀豐稔民氣安恬仰賴神庥六年十一月十六日捐廉立廟祀之

呂祖廟在城外西坪因道光二年道人募建純陽祠於城後山是年奉節縣紳士劉棟黎廷珖樊璉劉秀山馮簡張光遠王仁聲張濟光徐鑑張濟恒潘興嗣等具稟該處向有古墓皆無主孤墳坍塌成洞歷經前任各憲出示封禁不許棲宿乞丐茲有外來道人修建純陽祠踐踏墳墓懇恩禁止等情前來經前守徐念高捕府李鐸出示禁止因已建廟宇成功不毀毋許前後左右再行開挖土地在案知府恩成抵任後查閱前卷爲之憫惻急覓地遷移茲於道光六年卜有西坪地基一段宏

夔州府志

卷三十五

寺觀

二十三

廠幽僻可以棲神因置買地基去價錢一百二十千工料雜用計銀六百餘兩移建於西坪俱由府署捐廉發給

鎮江寺在城外西坪乾隆七年夔州府知府崔邑俊建修四十一年知府江權重修

巫山縣

峯崇寺在城內東北卽僧會司元至正元年建明宣德年重建

國朝康熙年間夏世啟重修廣濶壯麗

秀峰寺在縣東北五里有二塔山巒環拱樹木蔚秀
廣福寺在縣西門外有石塔今廢

凌雲觀在縣東筓篾山頂今廢

高唐觀縣志在縣城外西山頂宋王賦高唐卽此王士
正蜀道驛程記高唐觀在城西上山三里許自乾隆乙
亥年重修殿宇三層有明人繆宗周石刻詩碑
朝陽觀在縣東四十里

金池庵在縣西南十里

普濟寺在昌江渡口明成化中知縣錢潤重修

夔州府志

卷三十五

寺觀

三

百果寺在縣東二十里白沙坡上有古峯觀

雲臺寺在縣南一里來龍山有天公石像禱雨多應下
有龍池亦登眺之奇觀也

崇林寺在縣南三十里高山上

迴龍寺在縣西南三十里龍落坪

神女廟卽凝貞觀在縣東三十里十二峰南飛鳳峰之
麓元統志唐儀鳳元年置宋宣和四年改曰凝真觀紹
興二十年封妙用真人

馬永卿記永卿自少時讀文選高唐等三賦輒痛憤不

平曰寧有是哉且高真去人遠矣清濁淨穢萬萬不俾
必亡是理思有以闢之病未能也後得二異書參較之
然後詳其本末今按禹穴紀異及杜先生塘城集仙錄
載禹導岷江至於瞿唐實爲上古鬼神龍鱗之宅及禹
之至護惜窠穴作爲妖怪風沙晝暝迷失道路禹乃仰
空而嘆俄見神人狀類天女授禹太上先天呼召萬靈
玉篆之書且使其臣狂章虞餘黃龐大騭庚辰童律爲
禹之助禹於是能呼吸風雷役使鬼神開山疏水無不
如志禹詢於童律對曰此西王母之女也受回風混合

夔州府志

卷三十五

寺觀

三

萬景鍊形飛化之道管治巫山禹至山下躬往謁謝親
見神人倏忽之間變化不測或爲輕雲或爲霏雨或爲
游龍或爲翔鶴旣化爲石又化爲人千狀萬態不可殫
述禹疑之而問童律對曰上聖凝氣爲真與道合體非
寓胎稟化之形乃西華少陰之氣也且氣之爲用彌綸
天地經營動植大滿天地細入毫髮在人爲人在物爲
物不獨化爲雲雨龍鶴而已僕始讀其書甚駭異之旣
而深思則皆合於易焉所謂西王母之女者則有合於
坤爲母兌爲少女之說所謂變化不測者則有合於陰

陽不測妙萬物之義豈不灼灼明甚哉易之爲書與莊子多有合易者陰陽之書以九六爲數而南華開卷已
有南鵬北鯤九萬六月之說概可見矣又莊子所載藐姑射之神人大似今之神女是其言曰肌膚若冰雪則有合乎金行之色綽約若處子則有合乎少陰之氣遊乎四海之外則可見乎神之無方使物不疵癘而年穀熟則又見乎秋之成物故郭象注云夫神人者卽今所謂聖人也斯得之矣僕因悟易之少女莊子之神人郭象之聖人今之神女其實一也僕然後知神女者有其

夔州府志

卷三十五

寺觀

二四

名而無其形有其形而無其質不墮於數不囿於形超男女相出生滅法故能出入無乍隱乍顯舉要言之乃西方皓靈七氣之中少陰之靈耳豈世俗所可窺哉且楚辭者文章之大淵藪也而屈宋爲之冠故離騷獨謂之經此蓋風雅之再變者宋雖小儒然亦其流亞自兩漢以來未有能繼之者今觀文選二賦比之楚辭陋矣試並讀之若奏桑濮於清廟之側非王所作決矣故王逸哀類楚辭甚詳顧獨無此二賦自後歷代博雅之士益廣楚辭其稍有瓜葛者皆附屬籍唯此屢經前輩

之目每棄不錄益知其廣矣此蓋兩晉之後膚淺鯁生
戲弄筆研剽聞雲雨之一語妄謂神女行是雲雨於陽
臺之下殊不知雲雨卽神女也乃於雲雨之外別求所
謂神女者其文疎謬可笑大率如此僕今更以信史質
之懷襄辱主也與強秦爲鄰是時大爲所困破漢中轢
上庸獵巫黔拔郢都燒夷陵勢益駸駸不已於是襄王
乃東徙於陳其去巫峽遠甚此亦可以爲驗也且文選
雜僞多矣昔齊梁小兒有僞爲西漢文者東坡先生止
用數語破之何況戰國之文章傑然出西漢之上豈可

僞爲哉噫峽之爲江其異矣乎遠在中州之外而行於
兩山之間其流湍駛而幽深故無灌溉之利若求之古
人是蓋遠遁深居之士介然自守利不交物若鮑焦務
光之徒今吾儕小人乃敢浮家泛宅沒世窮年播棄穢
濁日夜喧闐其罪大矣神不汝殺亦云幸矣且峽旣介
潔清閎如此乃陸海之三神山也是宜闔苑真仙指以
爲離宮別館誕降雨衆之厚福故凡往來者旣濟矣當
於此致謝未濟矣當於此致禱以無忘神之德云紹
興十有七年二月永卿赴官期道出祠下旣已祇謁若

一 有神物以鬱發僕之夙心者因備述之以大闡揚神之威命明辟且爲迎饗送神之詩用相祀事繫之碑末曰夔子之國山曰巫考驗異事聞古初有龍十二騰太虛仙宮適見嚴訶吁霹靂一聲反下徂化爲奇峯相與俱至今逸氣不盡除天矯尙欲升天衢壯哉絕境天下無宜爲仙聖之攸居仰惟高真握珍符鎮治名山奠坤隅昔禹治水何勤劬按行粵至萬谷區妖怪護惜紛恣睢風沙晝晦迷道塗神人親御八景輿授禹丹篆之靈書文命稽首受瑤圖手握造化幽明樞役使鬼神才斯須

夔州府志

卷三十五

寺觀

二十六

萬靈恐懼聽指呼巨鑿振響轟雷車回祿烈火山谷茫墾闢頑很如泥塗岷江東去無停瀦倘非神人協禹謨懷襄正恐民其魚大功造成反清都朝遊園苑暮蓬壺呼吸日月飲雲腴頻視濁世嗟卑汚江臯古廟像儲胥神兮幸此留踟躕自古膏澤常霑濡逮今疲瘵蒙昭蘇巴峽野人貌瘠癯願降豐歲朝夕舖出火樵採無於菟客舟性命寄須臾願賜神庥保厥軀往來上下無憂虞日則居兮月則諸絜嚴奉兮永不渝
明范守道記世傳神女事止據宋王高唐賦爲言謂其

爲雲爲雨見夢襄王後人遂以爲此山之神嫗若武都山精之流莫不思一遇之詞語淫褻有汚仙真且未知神女治水有大功於斯世而巫峽之民受賜尤多自當廟祀以報其功者何可假宋玉賦而比之淫祠之列也

按集仙錄云雲華夫人王母第二十三女名瑤姬受鍊形飛化之道嘗東海遊還巫山流連久之時大禹理水駐山下因與夫人相值拜而求助卽勅侍女授禹策召鬼神之書因命其神狂章虞餘黃龐大翳庚辰童律等助禹斷石疏波以循其流禹拜而謝焉夫人或倏然飛

騰散爲輕雲油然而止聚爲夕雨或化游龍或爲翔鶴千態萬狀不可親近禹疑其狡猾怪誕非真仙也問諸童律律言夫人昔師三元道君受上清寶經爲雲華上宮夫人領教童真之士隱見變化蓋其常也所受寶書亦可以出入水火嘯叱幽冥收束虎豹招呼六丁顛倒五星久視存身與天相傾也因命侍女陵雲華出上清寶文以授禹拜受而去遂能導波決川以成其功天錫元圭以爲紫府真人其後宋玉言於襄王王不能訪道要以求長生築臺高陽之館作陽臺之宮以祀之宋玉

作賦寓情荒淫高真上仙豈可誣而降之也予惟仙錄所言未必盡實而世傳神禹之蹟言其夢蒼水之使發委宛之藏事俱秘密不可究詰其遇夫人而受寶文也安可謂之無稽耶不然三聖相授受而禹獨稱神何哉說者謂禹功在萬世則夫人之功亦不在禹下其當廟食茲土也無疑但當易匾額爲雲華夫人祠而載其事於碑間明示後人使之崇重而敬祀之以爲報功之典不可視爲淫祠而褻之也予自督學山西時聞閩仙傳偶得其詳欲爲夫人雪誣久矣旣而監兵建昌得代東

夔州府志

卷三十五

寺觀

二六

還道出夫人祠下而夔守耿君爭光又予同登士有志稽古者因書其畧授之俾刻祠中以闡揚幽隱而旌夫人之洪功觀者勿以爲誕而訾之

李一鰲記余航而東也偕馬君曹君歷數巉嶂千峭競秀徑抵飛鳳攀躋直上有坪兀突土人指點原峰飛鳳此古陽臺也後枕翠屏面拱集仙左揖朝雲右睇松巒六峯連袂於江東三峰聚首於水北共得九焉更隱三峰隔山之表深崟難探稱十二峯夫亦地映北斗星照熒鎮故奇異獸形巧繪聳出耳舊之古廟草封鳥集易

神女爲龍王風雨不庇厦將就傾古蹟奇蹤付之荒莽
矣余同馬君捐貲曹君獨主其事闢基葺鳩工創立
神殿三楹獻殿三楹寧止棲神亦供舒覽說者謂宋王
賦雲雨祀神女也又謂治水有功祀雲華夫人余謂蜀
楚門戶翼軫分野兩巖雄峙錦江中橫疊翠層巒雲氣
出沒驚濤澎湃喧阗訇訇散爲彩雲聚爲靈穎歸舸行
躒上下呵護當屬何物夫非神之庇歟幻之則神女也
昭之則雲華也總山靈江精融結變換而不可窮詰神
禹鑿通以後水妖震盪雲華底定功亦不在禹下水陰

夔州府志

卷三十五

寺觀

二十九

精也神女夫人陰屬也江水之靈也故祠以祀其佑此
雄關險峽俾舫艦安瀾者不必辨爲神女爲夫人也廟
成遊人亦有棲止俾覽者盼奇峯之聳峙壯若鐵騎千
羣擊銀濤之東下湛爲天塹一派洵是天地巨靈屹然
百二關鎖古者英雄必據之區我明朝湯廖並力穎國
階文共成一捷護此關門亦謂勢阨楚蜀之交寧獨大
奇大異峯列十二天開錦圖歟哉余觀而返挽舟徹夜
抵旦相與馬曹二君共嘯於驅熊之巔而時已告午矣
東井寺在縣東北半里許一名仁泉寺

鎮坪寺在縣西南一百二十里一名普安堂

龍泉寺在廢大昌縣東六十里

悟真寺在廢大昌縣東八十里

南陵觀在縣南十五里南陵山頂

龍興觀在縣西南六十里

朝元觀在縣東北三十里

龍臺觀在縣東三十里

鳳凰觀在縣北五十里

興雲觀在廢大昌縣南里許

夔州府志 卷三五

寺觀

三十

祖師觀在廢大昌縣西南三十里

興隆觀在廢大昌縣東六十里

三臺觀

古峯觀

文峯觀在縣東筓篸山頂即古凌雲觀乾隆己酉落成

是年李安登鄉榜故形家以此山為學宮文筆

水月庵在縣南城外

北城庵在縣城內陽臺之上

麩子庵在縣東北三十里麩子和尙所建今廢

草堂庵在縣東南六十里培石山后杜工部阻水山行所建

玉皇閣在縣西二里

觀音閣在縣西城內

關帝廟後殿之右康熙五十九年巫營遊擊劉朝柱建乾隆二十八年邑令朱斐然重建

雲陽縣

慧日寺在縣西洪武九年建

集雲觀在縣西四十里明統志碑云象山福地玉華仙

夔州府志

卷三十五

寺觀

三

館唐商真君飛昇處

棲霞觀在縣北十五里宋景德初建

玉虛觀宋建今廢

下巖寺在縣東二十里有仙跡前人題咏甚多

國朝宋琬詩春山曉逾妍灘聲夜來善愛此巖竇奇天作優曇院崩剝百佛身僧徒麋鹿散龍象委碧苔山鳥相與喧懸泉百餘尺洞口落飛霞霧交瓔珞垂電影珠璣亂躋險忘履穿坐久憑衣濺澗道瀉哀響歸舟有餘戀何當炎暑時高卧桃枝簟

滴水寺治北三十里有瀑布水簾前人題咏甚多
上巖寺治北五十里與下巖同建亦有仙迹

朝陽洞治南三十里明胡民仰有記

普賢寺在東灤河

觀音寺治東南三十里

大佛寺治北十里成化年建

萬縣

廣濟寺在縣西二里

明黃溥詩萬州名勝數西山金刹蟠雲擁翠鬢都厯拱

夔州府志

卷三五

寺觀

三

門青隱隱王泉環帶碧潺潺魯公池遠蒼茫外太白巖
高紫翠間八景依稀都在目從知此地出塵寰西山蘭
若世塵稀殿閣玲瓏鎖翠微珠樹月明元鶴下紺林雨
過白雲歸久知身外名無用暫試空中道有機何日乘
驄重過此不妨吟賞到斜暉

白鶴寺在縣西一百三十里

郭欽華詩迢遞檐帷入翠微林深古寺逗斜暉山連雪
岫搖青漢城帶溪雲護遠扉撫字不須論虎渡生涯終
日有魚磯徘徊忽見雙鴻起吹落松花滿客衣

羅漢寺在縣西二里有洞

北山寺在縣北二里

集虛觀在縣西明統志有唐垂拱時所遺鐘又有巨鐵紫色歲旱禱雨燒之如汗出必有雨乾則無

木樾觀在縣西一百二十里在木樾山許旌陽得道之所今廢

宋蘇洵序許旌陽得道之所舟人不以相告既過至武寧縣乃得其事縣人云許旌陽棺槨猶在山上旌陽許邁也嘗爲旌陽縣令按武寧縣宋屬萬州今省入萬縣

夔州府志

卷三十五

寺觀

三三

蘇軾詩石壁高千尺微蹤遠欲無飛簷如劍寺古柏似仙都許子嘗高遁行舟悔不迂斬蛟聞猛烈提劍想崎嶇寂寞棺猶在修崇世已愚隱居人不識化去俗爭吁
洞府烟霞遠人間爪髮枯飄飄乘倒影誰復顧遺軀
鐵鳳山觀在縣北四十里崇巖峻壁前僅通綫路旁有

鐵臺

元天觀在縣北二十里

地靈觀在縣東三十里

黃金寺在縣東十里

西山觀在縣西三里

萬壽寺在縣西二里

報恩寺輿地碑曰萬州報恩寺漢碑圖經云峽中漢刻少今萬州報恩寺有碑高五尺乃漢桓帝延熹間所刻石凡百餘字土人謂之宜子碑

大雲寺輿地碑曰萬州大雲寺碑寺有唐僧圓滿傳及元和間萬州守李裁書

聖業院輿地碑曰萬州聖業院碑在周溪大江之濱三生石旁蘇封可見者咸通三年壬子歲十一月建如是

夔州府志

卷三五

寺觀

三四

者十餘字耳

妙庭觀在縣南岑公巖名勝志宋宣和中御書萬州妙庭觀岑洞碑紹興二十八年二月朔右朝請大夫權發遣萬州軍主管學事兼管內勸農借紫臣李莘民述記冲妙大師前勅差充萬州道正主管教門公事賜紫臣冉通明立石以上諸碑佗以癸丑歲二月歸舟遍訪而楊之岑公名道願

岑像求岑公洞記周文王異母弟耀之子渠成王封諸岑古梁國岑亭是也漢魏而下隸南陽棘陽縣今唐州

胡陽西北四十里有棘陽城蓋岑冢家於此黨錮起公避地鹽官更爲鹽官人其後去梁居江陵隋末天下亂公泝江逃難至南浦愛龕巖遂居其下片衣粒食悉無所營晏坐凡二十年兀然逝去郡人慕公塑像龕間世世奉侍無懈唐獨孤霖段文昌皆爲文記公之德熙寧十年夏五月大旱靡神不舉久靳膏澤守臣諸公懇禱卽日大雨如注一境霑足部刺史表其事天子嘉之優詔賁勅贈公虛鑒真人者艾請遷妙庭觀置巖前俾黃冠之徒日篤香火公之道遂大昭著竊原公去此餘六

夔州府志

卷三十五

寺觀

三五

百歲名跡幾况一旦神靈顯發稱謂與莊老文列等其故何也請以宗姓言之光武起宛葉征南以才武奮兵行如神所向無不披靡位參四七之列梁武苦於奉佛寶昌以術業敷揚秘典首載僧史東晉僧猛以孤節卓行冠比邱尼唐太宗經營宏業中令景仁以清材奧識爲房杜亞匹或迹輝清簡或名標寶藏皆事著一時譽高當世岑公趨向惟清虛靜默未嘗有一言垂後寂滅已久而隱德升聞膺此褒錄聲實暴白與嶺雲江月輝映三峽品目自高遠殆非偶然蓋征南以功昌以學猛

以行申令以才而公以道修蘊含蓄深淺不同故其報
有崇卑久近之異無足怪也郡守蓋君體璟謂泰預末
派使來求文故爲述其由來而繫以贊云

虛造冲漠兮鑿徹幽隱秉德既然兮錫號惟允靜無所
營兮動無所蘊藉神靈之顯發兮庸詎非道力之強啓
公居此巖二十年兮萬人奉公也甚莊公去此巖二十
世兮萬人想公兮未央孤雲投壑兮謂公之袂段雲垂
岫兮思公之裳公乎易歸兮儼遺像於巖房望崆峒之
遼邈兮謾傳廣成之修鍊顧石室之依然兮深悵赤松

夔州府志

卷三十五

寺觀

三

之弗見念餘派涓涓其不泯兮振起奚望於孤羨惟真
迹之綿綿兮無預海田之變元符元年六月三日朝請
大夫知襄州軍州兼管內勸農事兼提舉房隨郢州兵
馬巡檢公事柱國借紫岑像求撰

五顯廟治西一里祀火神

石佛寺治西二里

大佛寺治北三里

東嶽廟治北三里

鎮江廟治東五里

甘霖洞治東一里中刻大士像下隱露石龕世傳古之
報恩寺舊址寺已久廢署令王如琯拂拭其像而泥金
之旁有山泉深廣尺許遇歲旱往禱輒應嘉慶辛未夏
雨澤愆期邑令陳煥章竭誠祈禱大雨如霖歲賴以稔
乃捐俸重修

洪巖寺治南一百八十里前有方巾石後有齋公石左
右俱有飛巖絕壁亂石盤桓因名其寺曰洪巖明崇禎
十一年僧了凡創修乾隆丙寅僧惠然重修嘉慶壬戌
夏普憲復修

夔州府志

卷三十五

寺觀

三七

海螺寺治西九十里山形前有靈龜聽法後有九龍捧
聖康熙二十年僧廣慈重修

安樂寺治南一百二十里山形前有獅象後有古城明
崇禎十一年僧丹樂創修乾隆戊寅僧真性重修

烏鵲寺治南

楞嚴寺治南明正德年間建乾隆十八年僧海祿重修
嘉慶九年僧照惺復修

智菴寺治南

龍駒寺治南

淨居寺治南

青龍觀治南

寶蓮寺治西一百二十里明成化時創修

慈容菴治西北七十里

寶積寺治西一百里

寶藏寺治西一百三十里

毛坪寺治西六十里

寶珠寺治西九十里

廻龍寺治西六十里

夔州府志

卷三十五

寺觀

三

山雲寺治西九十里

開縣

大覺寺在縣北二里盛山元泰定間重修即僧會司縣

志在縣北盛山麓創自唐代滿殿皆銅佛一邑形勝之

區遷客騷人多遊玩焉

三教寺在縣西二十里

神仙寺在縣南二十里

太清觀在縣西明永樂六年重修

迎龍觀在縣東一里神仙山頂舊志相傳觀中道士每

歲一人登仙入道以先後爲序屆期觀中預爲設醮拜
章沐浴更衣以俟觀者不啻數千人時音樂喧闐燈火
輝煌長橋如虹自空而下登仙者昇橋而去莫知所之
有一異僧至知其爲妖也按劍以俟須臾橋成卽揮劍
斬之有物墜地長丈許如牛舌狀血流滿地莫知爲何
既而於温湯井後石洞中見一巨蟒舌斷而死乃知向
者登仙之士皆爲蟒所吞自是妖患遂絕

三官廟在縣西門內康熙四十九年典史屠宸樞建
觀音堂在縣西十里

夔州府志

卷三十五

寺觀

三九

佛會寺在縣西四十里

廣福寺在縣西四十里

碧雲寺在縣西五十里

白雲寺在縣西五十里

雙城寺在縣西四十里

道林寺在縣西五十里

關帝廟 水府廟 東嶽廟 三義宮 真武宮 在

縣西臨江市離城六十里

善繼庵在縣西五十里

普光寺在縣西十五里

晉濟寺 永盛寺在縣西六十五里

西林寺在縣西八十里

寶佛寺在縣西八十里

天宮堂在縣西九十里

毘盧寺 華嚴寺在縣東五里

報國寺在縣東十五里

圓通寺在縣東八十里

傳燈寺在縣東七十里

夔州府志 卷三十五

寺觀

四十

寶勝寺在縣南九十里

福壽庵在縣南一百二十里

朝天觀在縣南八十里

三元庵在縣南一百里

龍馬洞延真觀在縣北五十里一名西洞門高一丈方

廣二畝內有一石塔高二丈一石座高七尺上有石傘

罩之又有二石龍頭角崢嶸爪牙奮露一石柱挺立不

倚一石鼓擊之鏗然有聲上有瓔珞下垂如流珠狀者

百數五彩祥雲舒卷不一形像巧於鐫刻石壁下有井

一口方廣一丈深不可測有馬蹄跡自井中出入錯雜
稍北又有洞門高七尺許以燭火照之可行三四里卽
滅洞口有延真觀

仙女洞在溫塘井唐杜光庭錄異記開州後倚盛山東
枕清水泝流而北三十餘里至溫湯井井有溫泉在北
山上麟德間因雷雨震霹山脚摧裂洞門自開洞莫測
其淺深

按此洞名仙女洞乃諸洞之第一奇幻者今之異迹更
勝於古洞中頂上有一明光似燈似珠晝夜照耀不知

夔州府志

卷三十五

寺觀

四

其爲何物也又左近有二洞一名祖師洞一名觀音洞
亦深廣不可測但不如仙女洞之奇幻也杜記詳載藝
文

大寧縣

天寧寺在縣西

宋劉國均留題游卧龍山咸平院歸至天寧寺謁長老
忍禪師建炎四年十月晦日

藥鑪觀在縣北七十里

雲臺觀在縣東南三十里山形卓立峭壁萬丈廟在絕

若續蜿蜒而來結穴在其南窟日而向明光華霽映開
闔吞納遂因以名焉洞之深十有餘丈其高數仞外則
軒然朗豁廓乎有容中則窈然深藏穆焉以邃而殿宇
層開神像森列蓋自有天地以來千萬斯年不騫不崩
以迄于今斯固天造地設用以壯兩間之巨觀洩造化
之幽奇非尋常見見聞聞也其憑臨之勢則嶢然高
起俯仰無垠左有瀑泉湧貫其下激瀉噴發如助聲色
而古柏參天蒼老挺翠位列其前四時之景象不一當
其寒暑遞嬗交涼異觀晦明風雨之餘有變化呼吸與

夔州府志

卷三十五

寺觀

四

時推移而不可端倪者嗚呼世嘗說桃園洞爲千古之
勝感慨悲歌常若不及然不過靖節一時有托之言究
屬烏有子虛之論豈若斯洞之宅幽而不絕於物迹奇
而不違乎俗卓乎其不可據確乎其不可拔也哉
寶源寺在縣東北三十五里寶源山上不知創自何代
無碑記可考

觀音寺在縣西南六十里羊喬下壩不知創自何代無
碑記可考

宗袍寺在縣西五十里雍正十年重修

頂乾隆十八年重建

峯靈觀在縣西南六十里古蹟久圯康熙二十六年重建

仙人洞在邑城西北

譚謙吉仙人洞碑記距鳳山三十里余素聞其勝歷年二十五而未能一登蓋以零丁孤苦之故不暇升高而遐矚也今春假館近隅友人姚蒲城囑余登焉因携徒載酒乘夏而登濃陰四合禽鳥飛鳴石磴崎嶇蒼苔滿路自溪邊直上山腰有一縷平岡僅數武過此乃及洞

夔州府志

卷三十五

寺觀

四

門回首烟津儘勞俯察飄然色笑宛在雲端入洞中空翠盈衣輕涼拂面茶烟之外惟泉聲梵響蟬噪鳥啼而已有老僧葛鞋竹杖從容來揖指洞前武溪諸峯笑謂余曰世之所稱大丈夫者誰復有此百千螺髻朝夕在前耶余顧從遊者笑曰有僧如此可謂高矣王子喬煉丹鑪及明羅狀元洪先詩在焉

朝陽洞在邑城北六十里

明邑舉人胡民仰朝陽洞記夔之東北爲大寧縣北六十餘里洞名朝陽其山勢則瓜起秦雍亘延千里若斷

白雲觀在縣南三十里不知創自何代無碑記可考

夔州府志

卷五

寺觀

四

仙釋

夔州府

漢涉正

神仙傳字元真巴東人漢末從二十弟子入吳莫有見其開目者一弟子固請之正乃為開目有音如霹靂而光如電弟子皆不覺頓伏良久乃能起正已復還閉目正道成莫見其所伏食施行而授諸弟子皆以行氣絕房室及服石腦小丹事

宋范儕

水經江水篇又東過枝江縣南江縣東南二十里富城洲上有道士范儕精廬自言巴東人少遊荆土而多盤桓縣界惡衣糲食蕭散自得言未來事多驗而辭不可詳人心欲見歛然而對貌言尋求終弗遇也雖逕跨諸

仙釋

夔州府志

卷五

四五

洲而舟人未嘗見其濟涉也後東遊廣陵卒於彼土儕在洲無定止處宿憩一小菴而已

唐翟乾祐

仙傳拾遺雲安人嘗于黃鶴山師事來天師盡得其道能行氣丹篆陸制虎豹水伏蛟龍臥常虛枕言將來事無不驗因入夔州帝謂人曰今夜有八人過此宜善待之是夕火燒百餘家曉之者云八人乃火字也酉陽雜俎雲安井自大江沂別派凡三十里近井澄清如鏡近江十五里皆灘石險惡難于沿沂乾祐於漢城山上結壇考召追命羣龍凡一十四處皆化為老人應召而至諭以灘波之險害物勞人使皆平之一夕之間風雷震擊十四里盡為平潭矣唯一灘仍舊龍亦不至乾祐復嚴勅神吏追之三日有一女子至焉因責其不應召之意女子曰某所以不來者欲助天師廣濟物之功耳且富商大賈力皆有餘而傭負者力皆不足雲安之貧民至江口負財貨至近井潭以給衣食者衆矣今若輕舟利涉平江無虞即邑之貧民無傭負之所絕衣食之路

所困者多矣余寧險灘波以贍備負不可利舟楫以安
富商所不至者理在此也乾祐善其言因使皆復其故
風雷頃刻而漲如舊天寶中詔赴上京恩遇隆厚歲餘
還故山尋得道而去按宋曾慥集仙傳翟法言字乾祐
舊通志列蜀漢誤

楊雲外

北夢瑣言雲安縣漢城宮道士楊雲外常以酒白晦而
行止異常前進士錢若愚甚敬之一日詣其山觀宿斂
衽問曰神仙之事果有之乎楊曰有之我即其人也若
示以飛空躡虛履水蹈火即日有萬千人救我不亦煩
褻乎因騰躍上升身在空中良久而下按集仙傳徐州
人唐大中末抵萬州舊通志列于蜀漢誤

岑道願

舊通志江陵人隋末避亂隱名棲山草衣木食十有餘
年不知所終

夔州府志

卷三十五

仙釋

四

萬縣志大業中避亂於萬縣隱居江南岸之洞中後仙
去今岑公洞是也詳見岑像求岑公洞記載前寺觀下

王法元

杜光庭錄異記夔州道士舌大而長呼文字不甚與切
常以為恨因發憤讀道德經夢老君為剪其舌覺而言
詞輕利

五代後蜀黃萬戶

十國春秋後蜀本傳少為高唐觀道士學六丁法於道
士張君常投一鐵鞭療疾輒驗時戎州刺史文思輅亦
有幻術能剪楮為魚投盆內如生已而收萬戶鐵鞭歸
去道由涪州鞭忽已歸萬戶蜀主召入宮以諸子示之
萬戶乃指後主為太子蜀主大奇之又能投符化鐵而
食他術類此

宋僧圓澤

蘇軾僧圓澤傳洛師惠林寺故光祿卿李愷居第祿山
陷東都愷以居守死之子源少時以貴游子豪侈善歌
聞於時及愷死悲憤自誓不仕不娶不食肉居寺中五
十餘年寺有僧圓澤富而知音源與之游甚密促膝交
語竟日人莫能測一日相約游蜀青城峩眉山源欲自
荆州泝峽澤欲取長安斜谷路源不可曰吾已絕世事
豈可復道京師哉澤默然久之曰行止固不由人遂自
荆州路舟次南浦見婦人錦襜負髻而汲者澤望而泣
曰吾不欲由此者爲是也源驚問之澤曰婦人姓王氏
吾當爲之子孕三歲矣吾不來故不得乳今既見無可
逃者公當以符呪助我速生三日浴兒時願公臨我以
笑爲信後十三年中秋月夜杭州天竺寺外當與公相
見源悲悔而爲具沐浴易服至暮澤云而婦乳三日行
視之兒見源果笑具以語王氏出家財葬澤山下源遂
不果行反寺中問其徒則既有治命矣後十三年自洛
適吳赴其約至所約聞葛洪川畔有牧童扣牛角而歌
之曰三生石上舊精魂賞月吟風不要論慙愧情人遠
相訪此身雖異性長存呼問澤公健否谷曰李公真信

仙釋

夔州府志

卷三十五

四七

士然俗緣未盡慎勿相近惟勤修不墮乃復相見又歌
曰身前身後事茫茫欲語因緣恐斷腸吳越山川尋已
遍却回烟棹上瞿塘遂去不知所之後二年李德裕奏
源忠臣子篤孝拜諫議大夫不就竟死寺中年八十○
此出袁郊所作甘澤謠以其天竺故事書以遺寺僧
舊文頗冗頗爲刪改

蔣虎臣

池北偶談幼耽禪寂不如葷酒祖母夢峩眉老僧而生
年二十三及第終于史官晚以病請告附楚舟上峽人
峩眉以癸丑卒于伏虎寺臨化有詩云偶向鑊湯求避
熱那從大海去翻身功名傀儡場中物妻子骷髏隊裏
人

王道成

夷堅志夔州人爲賈客遇異人傳內丹訣遂破家從王
開學道遊東西二蜀紹興六年道成見王灼於金川三

灼作詩贈之

張道清

一統志巫山人紹興六年生於青牛山舍紫氣騰空遠近以為異及長服液修道常卧巖穴中有兩虎侍其側開禧二年蛻去

明果子和尙

舊通志名文空字天元江西吉安人終南山養靜四十年得悟能咒果以治病後來巫山秀峯寺直指陳某右手病不能舉食其咒果而痊三簿韓達有心疾亦以咒果療之並樹碑表其事

張三丰 僧廣海

夔州府城西開元寺唐了休道場國初張三丰與僧廣海善寓居于寺者七日臨別贈以詩並留草履一雙沉

夔州府志

卷三十五

仙釋

只

香三片而去後海以詩及二物獻文帝答賜玉環一枚千佛袈裟一領今猶置寺中稱世寶云其詩曰深入浮圖斷世情奢摩他行恰相應天花隱隱呈微瑞風葉琅琅詠大乘密室晝閒雲作蓋空亭夜靜月為燈魂消影散無何有到處誰能見老僧按明史方伎傳張金字三丰遼東懿州人一名君寶以其不修邊幅又號張邈邈頽而偉龜形鶴背大耳圓目鬚髯如戟寒暑惟一衲一蓑所啖升斗輒盡或數日不食游處無恒後居寶鷄之金臺觀一日自言當死具棺殮之及墓聞棺有聲啟視則復活乃游四川見蜀獻王蹤迹益奇幻天順三年賜誥贈為通微顯化道人舊志作張思廉號三丰

海明

字懶愚一字破山大竹縣人母妊十五月而生年十九人佛恩寺為僧聽慧然講楞嚴經妄想不真故有輪轉遂終日迷罔游歷名山至楚破頭山奮身墮崖下豁然有悟南行參雪嶠再參湛然後參天童得上乘法嘗往

蕪湖聞僉事金公被刑乃乞貸往市棺徑前抱屍而殮
邏卒訶阻之不爲動卒殮載歸蕪湖菴中游浙任嘉興
東塔寺後回蜀任萬縣萬峯刹甲申歲嘗勸賊帥李鶴
子勿殺人賊以羊豕進曰和尚食此吾當封刀海明日
老僧爲萬姓生靈忍惜如來一戒乎遂食之賊爲止殺
蜀平建雙桂堂於梁山有破山語錄雙桂草行世

王玉峯

不知何許人非釋非道明萬歷年間居羊耳山修道以
符水救人病至巫山士庶爭敬之歸去有柳監生者求
遺跡乃燒爐火取磚半塊頃刻鍊成白金仍留一角未
化與之尋至夔郡人皆尊禮之太守以爲妖拘責之守
遂大小便不通旋求玉峯乃愈後移建始縣居石通洞
數載莫知何之

麤子和尙

巫山人建菴縣治東北三十里半山中日食麥麤及滅
後庵中無燈而有光三年

夔州府志

卷三五

仙釋

咒

如意和尙

不通宗教苦行真誠明萬歷年間募修朝陽洞匠需棉
絮適有客壞舟晒絮江邊時暴雨將至客曰爾能止雨
絮聽爾取僧向雨一拜其雨卽止人咸異之以絮與之
後土人肖像祀之每遇早禱雨屢應

補遺

許邁

得道於萬縣木樨觀宋蘇老泉有序蘇東坡有詩見前
寺觀志

張道陵

得道於開縣之安樂山宋蘇東坡有詩并序見山川志

王子

得道於大寧縣之仙人洞明譚謙吉有記見前寺觀志

夔州府志

卷三五

仙釋

三十一

